

Ҳадис дарслари (207-дарс) Набий алайҳиссаломнинг болажонликлари



00:00 / 02.12.2022 1716

????? ?????? ??????? ??????? ?????????? ????????

????? ??????? ??????? ??????? ??????? ??????? ???????

?????? ?????? ??????? ??????? ??????????? ???????

????????? ?????? ??????? ??????? ??????? ???????????

????????? ?????? ??????? ??????? ??????? ???????????

????????? ?????? ??????? ??????? ??????? ???????????

????? ??????? ??????? ??????? ??????? ???????????

????? ??????? ??????? . ?????? ??????????? : ???????

????? ?????? ?????? ?????? ??????? ????????????. ???????

?????? ?????????????? ?????????????.

Умму Қайс бинти Миҳсон розияллоҳу анҳодан ривоят қилинади:

«У киши ўзининг ҳали таом емаган жажжи ўғлини Расулуллоҳ соллаллоҳу алайҳи васалламга олиб келди. У зот соллаллоҳу алайҳи васаллам уни қўйнилариға ўтиргиздилар. Бола у зотнинг кийимлариға бавл қилиб юборди. Бас, у зот сув чақирдилар ва унинг устига сепдилар, ювмадилар».

Бошқа бир ривоятда:

«Сув сепишдан зиёда иш қилмадилар», дейилган.

Бешовлари ривоят қилган.

Ушбу ҳадиси шарифни ўрганар эканмиз, кичкина ўғил бола кийимга бавл қилиб қўйса, нима қилиш кераклиги билан бирга, Расули Акрам соллаллоҳу алайҳи васалламнинг мутавозелик, меҳрибонлик, одамохунлик каби юксак инсоний фазилатларга эга эканликлариға гувоҳ ҳам бўламиз.

Мадиналиқ мусулмонлар ўзларининг гўдак болаларини доимо Расули Акрам соллаллоҳу алайҳи васаллам ҳузурлариға олиб келар эдилар. У зот соллаллоҳу алайҳи васаллам эса уларни қўллариға олар, ўпиб-эркалар, танглайларини кўтарар ва ҳақлариға дуо қиласар эдилар.

Кунлардан бир куни Умму Қайс бинти Миҳсон розияллоҳу анҳо **«ўзининг ҳали таом емаган жажжи ўғлини Расулуллоҳ соллаллоҳу алайҳи васалламга олиб келди»**.

Яъни, гўдак онасини эмар эдию, ўзи таом ейдиган ёшга етмаган эди. Бу васфни зикр қилишдан мақсад ҳукмнинг қандай бўлишига таъсир қиласади. Чунки фақат сут эмаётган ўғил бола билан таом ейдиган ўғил бола орасида фарқ бор. Уларга боғлиқ ҳукм икки хил бўлади.

«У зот соллаллоҳу алайҳи васаллам уни қўйнилариға ўтқаздилар».

Яъни, Расууллоҳ соллаллоҳу алайҳи васаллам ҳалиги болани қучоқларига олиб ўтиридилар.

«Бола у зотнинг кийимларига бавл қилиб юборди».

Ҳамма болаларнинг одати каби, Умму Қайснинг ўғилчаси ҳам Расули Акрам соллаллоҳу алайҳи васалламнинг кийимларини ҳўл қилиб қўйди.

«Бас, у зот сув чақирдилар ва унинг устига сепдилар, ювмадилар».

Яъни, Расууллоҳ соллаллоҳу алайҳи васаллам сув олиб келишларини сўрадилар ва сувни олиб, бола бавл қилган жойга сепдилар. У жойни ювиб, сўнгра сиқиб ташламадилар.

Бошқа бир ривоятда «Сув сепишдан зиёда иш қилмадилар», дейилган.

Яъни, боланинг пешоби теккан жойга сув қуиб қўйганлар, холос.

Ушбу ҳадисдан олинадиган фойдалар:

1. Эмизикли ўғил боланинг бавл қилган жойига сув қуиши мумкинлиги.
2. Эмизикли бўлмаган боланинг пешоби нажаслиги (баъзи уламолар «нажас эмас», деганлар).
3. Кичик болаларга шафқатли ва меҳрибон бўлиш кераклиги. (Бу ишда мўмин-мусулмонларга сарвари коинот Муҳаммад соллаллоҳу алайҳи васаллам ўрнақдирлар. У зот соллаллоҳу алайҳи васаллам ёш гўдакларни қучоқларига олар, лутф кўрсатар, ўпиб-эркалатар, ҳатто гўдаклардан баъзилари кийимларига бавл қилиб юборса ҳам аччиқланмас эдилар).
4. Ёш гўдакларни тақводор, аҳли фазл ва солиҳ кишиларга олиб бориб, дуоларини олиш яхши эканлиги.

«Ҳадис ва ҳаёт» китоби асосида тайёрланди